



Ni Elder Jairo
Mazzagardi
Sa Seventy

Mga Leksyon gikan sa Inahan



Sa dihang nagtubo pa ko, kon Smakakwarta mi, kuhaon sa akong mama ang pinakanindot nga kwarta—kadtong dili kaayo kun-ot o hugaw—ug ihatag kini ngadto sa ministro sa simbahan nga among giapilan. Gihimo ni niya sa iyang tibuok kinabuhi. Miingon siya, “Kini iya sa Dios.” Ang ilang ehemplo nagpabilin kanako sukad niadto. Sa dihang nabunyagan ko sa Ang Simbahan ni Jesukristo sa mga Santos sa Ulahing mga Adlaw isip usa ka hamtong, dili lisud alang nako ang pagbayad sa ikapulo tungod kay ang akong inahan mitudlo nako sa pagsunod niana nga balaod.

Ang akong mama mitudlo usab nako nga magmatinuoron, bisan kon nagpasabut kini sa pagbuhat sa lisud nga mga butang. Ang among silingan dunay tanang mga matang sa tanom ug utanon. Usahay ang iyang prutas motubo habig sa among koral. Kausa akong gipu-po ang pipila niini ka bunga ug gidala ngadto ni mama. Mitan-aw siya nako ug miingon, Dili kana atoa.” Dili ko katuo niini. Miingon ko, “Unsay

imong gipasabut? Misulod kini sa atong koral!” Miingon siya pag-usab, “Dili kana atoa.” Dayon iyang gigunitan ang akong kamot, ug miadto mi sa balay sa among silingan. Nangayo mi og pasaylo sa pagkuha sa iyang prutas. Miingon ang akong mama nga kon duna mi gusto nga butang, kinahanglang makuha namo ni sa matinuorong paagi.

Tingali ang inyong mga ginikanan dili mga miyembro sa

PANGUTANA OG USA KA GINIKANAN!

Unsa ang inyong paborito nga bahin sa pagkaginikanan?

Unsa ang labing lisud nga bahin?

Unsay makapalipay ninyo?

Unsa ang labing importante nga butang ang inyong mabuhat kada adlaw?

Sa unsa nga paagi ang ebanghelyo makatabang ninyo nga mahimong mas maayo nga ginikanan?

Unsa ang katapusang butang ang inyong himoon kada adlaw?

Unsa pay ubang mga pangutana nga mahimo ninyong ipangutana?

Tabangi ang inyong mama o papa sulod sa usa ka adlaw! Isulat o idrowing sa inyong journal kon unsay inyong nakat-unan. Pasalamat ang inyong mga ginikanan sa tanan nilang gibuhat.

Simbahan, o dili kamo kanunay uyon sa ilang mga pagpili. Makakat-on gihapon kamo og tinuod nga mga baruganan gikan nila, sama sa pagkamatinuoron, responsibilidad, pagpaningkamot sa kaugalingon, ug kakugi. Kadto nga mga baruganan dako nga mga panalangin sa inyong kinabuhi. ■